

Қаражарға қайық керек

Өлеңті өзенінің арғы жарқабағындағы Қаражар ауылының халқы көктемде су тасығанда бері өте алмайды. Рас, билік көпір салуға көмектесті. Бірақ оны дүлей ағыс шайып кетіпті. «Ауылда қалтылдаған кішкентай қайықтар бар. Онымен кісі тасу қауіпті. Бізге үлкен қайық қажет» деді қала әкімінің есептік кездесуінде сөз алған қаражарлық Әбжан Кәкенұлы. Оның сөзін қостаған төртүйлік Бағдат Апаханов: «Богатырь Көмір» компаниясы адамдары Әулиекөлдің балығын аулап жүр емес пе. Бір қайықты сатып әперуге сол кесіпорынның қауқары жетеді ғой» деп сөзге араласты. Сонымен қатар ол Төртүй ауылы тұсындағы Шідерті өзені үстінен салынған көпірдің де тозып тұрғанын айтты.



Ж.СӘДУАҚАС

Төртүй клубына жиналған қауым алдында Екібастұз ауылдық округі әкімі Жанат Ибраев та есеп берді. Өткен жылы Төртүйде орталықтандырылған су құбыры іске қосылғанына жұрт риза. Десекте, алдағы уақытта құбыр кімнің балансында болады, тариф қанша тұрмақшы, міне, осы мәселелер алаңнатуда. Абырой болғанда бұл проблеманы қала билігі ойластырып үлгеріпті. Қала әкімі Ержан Иманзаиповтың айтуынша, өнірдегі ауыз су құбырлары «Екібастұз сервис» кесіпорнының балансына беріледі. Ол кесіпорынға қажетті техника, құралжабдық бөлінеді. Ал тариф әр ауылдағы су құнына қарай белгіленетін болады.

Қала әкімі Ержан Иманзаиповтың баяндамасында ауылда тұрғын үйлер салу, мұқтаж шаруаларға шабындық және жайылымдық жер беру, бос тұрған ғимараттарды қалпына келтіріп, шағын

кесіпкерлікті қолға алу мәселелері айтылды. Сонымен қатар, қашықтығы 18 километр кірме жол жайы сез болды. Бұл орайда қала басшысы ауыл әкіміне аталмыш жолды жөндеудің жобалық-сметалық құжаттамасын өзірлеп тапсыруды жүктеді.

Ауыл ақсақалы Зарлық Саржанов былтыр күзде Төртүйдің 90 жылдық тойын мерекелеуге ықпалын тиғізіп, қолдау жасағаны үшін қала әкімі Ержан Иманзаиповқа ел атынан алғыс айтты. Сонымен бірге, мерейтойға атсалысқан демеушілер, мекемелер мен жеке адамдарды да ақсақал ілтипатпен ауызға алды. Соның ішінде ауыл тарихы мен бүгінгісін егжей-тегжай жазған «Отарқа» газеті редакциясы атына да ризашылығын жеткізді.

Жалгасы 10-бетте

Қаражарға қайық керек



Ж.СӘДУАҚАС

Басы 5-бетте

Төртүйдегі өткір мәселенің бірі – ас-хана құрылышын аяқтау. Былтырғы жылы қала мен ауылдағы төртүйліктер қаражат шығарып қолға алған шаруа өзір тоқтап тұр. Тағы қаражат қажет. Қала басшысы: «Әйгілі жерлестеріңізге үндеу тастаңыздар. Тіпті болмаса көмек жасармыз», - деді.

Иә, өткен жылы торқалы той тұрткі болып Төртүй ауылы көріктеніп, халқы серпіліп қалды. Ауылдық округ әкімі Жанат Ибраев ендігі күш-жігерді округе қарайтын Тай ауылын абаттандыруға жұмсаймыз деп отыр. Есептік кездесуден бірер күн бұрын әкім Тайдың ауыл мен қаладағы азаматтарымен жолығып, келелі әңгіме қозғап, іс-әрекет жоспарын жасапты. Олай болса, іске сөт дейміз!